

## Mensahe 6

### **Makabaton sa Dios aron Matransporma sa Dios alang sa Tuyo sa Dios**

Basahong Kasulatan: Job 42:1-6; 2 Cor. 3:8-9; 4:10-12, 16-18; 5:18-20

#### **I. Ang tuyo sa Dios ni Job mao nga mahimo siyang tawo nga nagkinabuhi diha sa langitnong panan-awon ug sa realidad sa pamatigayon sa Dios:**

- A. Ang kasinatian ni Job lakang man nga gihimo sa Dios diha sa Iyang diosnong pamatigayon aron matuman ang pag-ut-ot ug paghukas sa natagbaw nga Job aron mapukan siya ug makahigayon ang Dios sa pagtukod pag-usab kaniya uban sa Dios mismo ug madala siya sa mas lalom nga pagtinguha sa Dios aron mabatonan niya ang Dios imbis ang Iyang mga panalangin ug ang iyang mga nakab-ot diha sa iyang pagkahingpit ug kaligdong—Fil. 3:10-14; 1 Cor. 2:9; 8:3; Exo. 20:6; 1 Cron. 16:10-11; 22:19; 2 Cron. 12:14; 26:3-5; 34:1-3a; Sal. 24:6; 27:4, 8; 105:4; 119:2, 10; Heb. 11:6.
- B. Makabaton tingalig daghang butang ug morag mouswag ang tawong wala magtagad sa Dios (Sal. 73:1-15); apan, pugngan ug hukasan man ngani sa Dios sa daghang butang ang tawong nagtagad Niya; tuyo sa Dios sa mga matinguhaon Niya nga makaplagaan nila ang tanan diha Niya ug dili masimang gikan sa hingpit nga pagpahimulos Kaniya (vv. 16-28).
- C. Ang tuyo sa Dios sa pagtagad Niya sa Iyang balaang katawhan mao nga mahabwaan sila sa tanan ug modawat ra sa Dios nga ilang kaayohan (Fil. 3:8; itandi sa Sal. 73:25-26); ang tinguha sa kasingkasing sa Dios mao nga hingpit nato Siyang mabatonan ingon nga kinabuhi, sangkap sa kinabuhi, ug tanan sa atong pagkatawo (Rom. 8:10, 6, 11; itandi sa Col. 1:17, 18).
- D. Aron makakinabuhi diha sa realidad sa pamatigayon sa Dios ug sa diosnong pagpaambit Niya, gikinahanglan nato ang Dios nga motukod sa Iyang Kaugalingon nganha sa tiunay natong pagkamao aron maumolan pag-usab ni Cristo ang tibuok natong pagkatawo:
  1. Ingon sa gipadayag sa Mga Sulat ni Pablo, ang tuyo sa Dios sa pagtagad Niya kanato paghukas man kanato sa tanang butang ug pag-ut-ot kanato aron labi pang mabatonan nato ang Dios—2 Cor. 4:16-18.
  2. Ang pagtukod sa iglesia pinaagi man sa pagbalay ni Cristo sa atong kasingkasing, sa ato pa, pagtukod Niya sa Iyang Kaugalingon nganhi nato, himoong panimalay Niya ang atong kasingkasing, ang atong tiunayng pagkamao—Efe. 3:16-21.
- E. Diha ni Cristo naumol ang Dios nganha sa tawo, naumol ang tawo ngadto sa Dios, ug nasagol pag-usa ang Dios ug ang tawo aron mahimong usa ka persona, ang Dios-tawo; nagpasabot kini nga tuyo sa Dios diha sa Iyang pamatigayon nga himoon Siyang tawo aron himoong Dios ang tawo sa kinabuhi ug kinaiya apan dili sa ranggo sa pagka-Dios—2 Sam. 7:12-14; Rom. 1:3-4; Mat. 22:41-45; Juan 14:6; 10:10; 1 Cor. 15:45; Juan 6:63; 2 Cor. 3:6; 1 Juan 5:16.

#### **II. Ang pamatigayon sa Dios pagkahimo mang tawo sa Dios diha sa unod pinaagi sa pagpakatawo aron mahimong Dios ang tawo diha sa Espiritu pinaagi sa pagtransporma aron matukod ang Dios nganha sa tawo ug ang tawo ngadto sa Dios aron mabatonan ang hiniusang Dios-tawo:**

- A. Ang labing kahibulongan, maayo kaayo, misteryoso, ug malangkobon-sa-tanan nga mga pagkatransporma sa walay kataposan ug Tulo-usang Dios sa pagkahimo Niyang tawo mao ang lihok sa Dios diha sa tawo aron matuman ang walay kata-posang pamatigayon Niya—Miq. 5:2; Juan 1:14, 29; 3:14; 12:24; Buh. 13:33; 1 Ped. 1:3; 1 Cor. 15:45; Buh. 2:36; 5:31; Heb. 4:14; 9:15; 7:22; 8:2:
1. Kining mga pagkatransporma mao ang mga kahikayang giagian sa Tulo-usang Dios sa pagkahimo Niyang Dios-tawo, nga nagdala sa Dios nganha sa tawo ug nagsagol sa Dios sa tawo isip sumbanan sa dinaghang paghulad sa daghang Dios-tawo; nahimo Siyang pagkalawas sa Tulo-usang Dios, nga nagdala sa Dios nganha sa tawo ug naghimo sa Dios nga makontak, mahikap, madawat, masinati, masudlan, ug mapahimuslan—Juan 1:1-4; Col. 2:9; Rom. 8:28-29.
  2. Naghisgot ang Dios ning mga pagkatranspormaha sa Oseas 11:4 sa pag-ingon nga, “Gibira Ko sila pinaagi sa mga lubid sa tawo, / Pinaagi sa mga bugkos sa gugma”; ang pamulong *pinaagi sa mga lubid sa tawo, pinaagi sa mga bugkos sa gugma* nagpakita nga gihigugma ta sa Dios sa diosnong gugma Niya dili sa pagkabutang sa pagkadios kondili sa pagkabutang sa pagka-tawo; diosnon ang gugma sa Dios, apan nidangat kini kanato diha sa mga lubid sa tawo, sa ato pa, pinaagi sa pagka-tawo ni Cristo:
    - a. Ang mga lubid (mga pagkatransporma, mga kahikayan) nga pinaagi niini gidani ta sa Dios naglakip sa pagpakatawo ni Cristo, sa Iyang pagkinabuhi ingog tawo, pagkalansang sa krus, pagkabanhaw, ug pagkayab; pinaagi man ning tanang lakang ni Cristo sa pagka-tawo Niya nga nidangat nato ang gugma sa Dios sa kaluwasan Niya—Jer. 31:3; Juan 3:14, 16; 6:44; 12:32; Rom. 5:5, 8; 1 Juan 4:8-10, 16, 19.
    - b. Bulag ni Cristo, dili gyod magmadaogon kalabot nato ang molungtad-sadayon nga gugma sa Dios, ang dili mausab, nagbuntog nga gugma Niya; madaogon ang dili mausab nga gugma sa Dios kay gugma man kini diha ni Cristo, uban ni Cristo, pinaagi ni Cristo, ug alang ni Cristo.
    - c. Madaogon kanunay ang molungtad-sadayon nga gugma sa Dios; sa kapulihay, bisan sa atong mga kapakyasan ug kasaypanan, modaog ang gugma sa Dios—Rom. 8:35-39.
- B. Ang pagtransporma sa tawong may tulo ka bahin lihok man sa Dios sa paghimgong Dios sa tawo, sa pag-umol sa tawo sa nahikay ug nahingpit nga Tulo-usang Dios; sa pagpakita sa Dios ni Job, nakita niya ang Dios aron mabatonan niya ang Dios ug matransporma siya sa Dios alang sa tuyo sa Dios—Job 38:1-3; 42:1-6; 2 Cor. 3:16-18; Heb. 12:1-2:
1. Ang pagkakita nato sa Dios moresulta sa pagkatransporma sa atong pagkatawo ngadto sa dagway sa Dios; busa, labi tang motan-aw Niya nga nahingpit nga Espiritu nga naa sa atong espiritu, labi sab natong madawat nganhi sa atong pagkatawo ang tanang sagol Niya isip diosnong elemento nga mohabwa sa atong daang elemento aron mabag-o ang tibuok natong pagkatawo; ang atong Cristohanong kinabuhi dili man kalabot sa pagkausab sa gawas kondili sa pagkatransporma sa sulod—2 Cor. 3:18; Sal. 27:4; Gal. 6:15-16.
  2. Makapabilin ta sa adlaw-adlawng kahikayan sa pagtransporma sa pagliso nato sa atong kasingkasing sa Ginoo aron makasud-ong ug makapasumbalik ta Niya uban sa nawong nga wala mataptapi; ang nawong nga wala mataptapi mao ang kasingkasing nga niliso sa Ginoo—2 Cor. 3:16, 18.

- a. Ang pagliso nato sa atong kasingkasing sa Ginoo paghigugma man nato sa Ginoo; labi tang mahigugma sa Ginoo, labi sab nga mabuksan ang atong kasingkasing Kaniya, ug makahigayon Siya sa pagkaylap gikan sa atong espiritu nganha sa tanang bahin sa atong kasingkasing.
  - b. Ang pagliso nato sa atong kasingkasing sa Ginoo, ang pagbukas nato sa atong kasingkasing Kaniya, maoy labing maayong paagi nga motubo ta sa kinabuhi; makabukas ta sa atong kasingkasing sa Ginoo sa pag-ingon lang Kaniyag, “O Ginoo, nahigugma ko Nimo; gusto kong mopahimuot Nimo.”
  - c. Sa mosud-ong ta sa Ginoo adlaw-adlaw sa tanang sitwasyon nato (Sal. 27:4), makapasumbalik ta sa himaya sa Ginoo ug matransporma ta ngadto sa Iyang dagway gikan sa himaya ngadto sa himaya.
  - d. Dili malipayon ang daghang Cristohanon kay dili man malipayon ang Espiritu nga naa sa ilang sulod (Efe. 4:30; itandi sa Sal. 16:11; 43:4; Buh. 3:19-20; Exo. 33:11, 14-17; Heb. 1:9; Jer. 15:16; Juan 15:9-11; 1 John 1:3-4; 2 Juan 12; Fil. 4:4); kon dili nato iliso sa Ginoo ang atong kasingkasing aron pakaylapon ang Espiritu sa Ginoo gikan sa atong espiritu nganha sa atong kasingkasing, bation nato nga pinugngan ta ug masulob-on.
  - e. Hain ngani ang Espiritu sa Ginoo, dunay kagawasan (2 Cor. 3:17); kon dunay moingon nga laay ang tigom, kinahanglan makaamgo ta nga siya mismo ang gilaayan; apan kon iliso nato sa Ginoo ang atong kasingkasing, mapahimuslan nato ang Espiritu nga atong kagawasan.
  - f. Makahigayon na ngani sa pagkaylap sa tanang bahin sa atong kasingkasing ang Espiritung nagpahigawas, mahubaran ta, molabaw, ug magawason; himaya kining kagawasona, nga mao ang presensya ug pagpadayag sa Dios; bation nato nga halangdon, talahoron, ug mahimayaon ta kay gitransporma man ta ngadto sa Iyang dagway—v. 18; Gen. 1:26.
- C. Ang pagtrasporma mag-usab nato gikan sa usa ka dagway, sa dagway sa daang tawo, ngadto sa laing dagway, sa dagway sa bag-ong tawo; humanon sa Ginoo kining buhat sa pagtrasporma pinaagi sa pagpatay sa kamatayon ni Cristo—2 Cor. 4:10-12, 16-18:
1. Niingon si Pablo sa 2 Corinto 4:10 nga kanunay natong gidala sa atong lawas ang pagpatay kang Jesus; mopatay nato ang kamatayon ni Cristo—1 Cor. 15:31, 36; Juan 12:24-26; 2 Cor. 1:8-9.
  2. Naa sa nasagol nga Espiritu ang kamatayon ni Cristo; ang Espiritu maoy pag-aplikar sa kamatayon ni Cristo ug sa pagkaepektibo niini—Exo. 30:22-25; Rom. 8:13.
  3. Kinabuhing sigeng gipatay sa nasagol nga Espiritu ang Cristohanong kinabuhi; gibuhat sa Espiritung nagpuyo-sa-sulod kining inadlawng pagpatay pinaagi sa palibot ingon nga hinagibang inugpatay.
  4. Diha sa diosnon ug mabut-anong pagpahaluna sa Dios, masigkatabang ang tanang butang alang sa ikaayo nato aron matransporma ta, pinaagi sa pagpatay sa kamatayon ni Cristo; ang “ikaayo” sa Roma 8:28 walay kalabotan sa pisikal nga mga tawo, mga hitabo, o mga butang; Usa ray maayo—ang Dios—Luc. 18:19:
    - a. Ang tanang tawo, tanang hitabo, ug tanang butang nga may kalabotan nato maoy palagianan sa Espiritu Santo sa pagbuhat alang sa ikaayo nato aron matugob ta sa kaayohan (Sal. 68:19), sa Tulo-usang Dios mismo (itandi sa Gen. 45:5; 50:20).

- b. Ang tanang tawo ug tanang sitwasyon nga may kalabotan nato gipahaluna man sa Espiritu sa Dios aron motugbang sa buhat Niya sa sulod nato aron matransporma ta ug masama sa dagway sa panganayng Anak sa Dios— itandi sa Mat. 10:29-31.
- D. Gibuhat ang pagtransporma sa sulod nato sa masinati nato ang pagdisiplina sa Espiritu Santo—Rom. 8:2, 28-29; Heb. 12:5-14:
  - 1. Ang buhat sa Espiritu sa sulod nato pag-umol mag bag-ong pagkatawo alang nato, apan ang buhat sa Espiritu sa gawas pagpukan man sa matag aspeto sa natural natong pagkatawo pinaagi sa atong palibot—itandi sa Jer. 48:11.
  - 2. Mobulig gyod ta sa Espiritung naglihok sa sulod ug modawat sa palibot nga gipahaluna sa Dios alang nato—Fil. 4:12; Efe. 3:1; 4:1; 6:20; 1 Cor. 7:24.

### **III. Ang pagpangalagad maoy lugwa sa pinadayag nga inubanag pag-antos—maumol kanato ang nakita nato pinaagi sa pag-antos; busa, ang gipangalagad nato mao ang pagkamao nato:**

- A. Bisan daghan ang mga ministro, usa ra ang ilang pagpangalagad—ang pagpangalagad sa bag-ong pakigsaad nga magtuman sa pamatigayon sa Dios sa Bag-ong Tugon; ang pagbuhat nato uban ni Cristo pagtuman man ning bugtong-talagsaong pagpangalagad, ang pagpangalagad og Cristo sa mga tawo aron matukod ang Iyang Lawas—Buh. 1:17; Efe. 4:11-12; 1 Tim. 1:12; 2 Cor. 4:1; 6:1.
- B. Sa kinatibuk-an, dunay usa ra, bugtong-talagsaong hiniusang pagpangalagad ang Lawas, apan kay pag-alagad man sa Lawas ni Cristo kining pagpangalagara ug kay daghan mag bahin ang Lawas, dunay kaugalingong pagpangalagad ang tanang bahin nga motuman sa bugtong-talagsaong pagpangalagad—Buh. 20:24; 21:19; 2 Tim. 4:5; Col. 4:17.
- C. Ang pagpangalagad alang man sa pagpangalagad sa Cristong nasinati nato, ug naumol kini, ug napalugwa ug naporma, sa mga nasinati nato sa kadato ni Cristo nga naato pinaagi sa mga pag-antos, sa nag-ut-ot nga mga pagduot, ug sa nagpatay nga buhat sa krus—Buh. 9:15-16; Col. 1:24; Fil. 3:10; 1 Tim. 4:6; 2 Cor. 1:4-6, 8-9, 12; 3:3, 6:
  - 1. Ang pagpangalagad sa Espiritu aron man modangat ta sa habog nga punto sa diosnong pinadayag sa pagpangalagad nato ni Cristo nga Espiritu, nga naghatag og kinabuhi—vv. 8-9, 6, 3; Bug. 22:17.
  - 2. Ang pagpangalagad sa pagkamatarong aron man makasulod ta sa Dios-tawong pagkinabuhi sa pagpangalagad nato ni Cristo nga dili lang objectibong pagkamatarong nato kondili subjectibo ug gikinabuhing pagkamatarong sab nato alang sa tinuod nga pagpadayag ni Cristo—Rom. 5:17; Fil. 3:9; Bug. 19:8.
  - 3. Ang pagpangalagad sa pagpasig-uli aron man makaatiman ta sa mga tawo sumala sa Dios (nausa ni Cristo sa langitnong pagpangalagad Niya sa pag-pangatiman) sa pagpangalagad nato ni Cristo nga pulong sa pagpasig-uli aron madala nato ang katawhan sa Dios nganha sa ilang espiritu nga Dapit Labing Balaan aron mahimo silang mga tawo nga naa sa espiritu—2 Cor. 5:18-20; Juan 21:15-17; 1 Ped. 5:2-4; 2:25; Bug. 1:12-13; Heb. 10:19, 22; 1 Cor. 2:15.
  - 4. Sa hingpit nga pagsulod nato nianang kahibulongang pagpangalagad sa tulo ka aspeto niini, makahigayon ang Ginoo sa pagdala sa kaiglesiahan sa bag-ong pagkadasig pag-usab.
- D. Ang kasakitan mao ang tam-is nga pagduaw ug pagpakatawo sa grasya uban sa tanang kadato ni Cristo; sagad nga moduaw nato ang grasya sa dagway sa kasakitan—2 Cor. 12:7-10:

1. Pinaagi sa mga kasakitan iaplikar sa Espiritu Santo kanato ang gahom sa krus ni Cristo nga makapatay sa natural natong pagkatawo, nga makapahigayon sa Dios sa pagkabanhaw sa pagdugang sa Iyang Kaugalingon kanato—1:8-9; 4:16-18.
  2. Mamunga og pagkamalahutayon ang kasakitan, nga magpalugwa sa kalidad sa pagkainaprobahan—kalidad o kaayo nga inaprobahan nga resulta sa pagkamalahutayon ug pagsinati sa kasakitan ug pagsulay—Rom. 5:3-4.
- E. Gibubo sa Dios ang Iyang Kaugalingon ingon nga gugma sa atong kasingkasing uban sa Espiritu Santo, nga gihatag na kanato, ingon nga gahom nga modasig sa sulod nato, aron labi pa tang magmadaogon sa tanan natong kasakitan; busa, dili ta maulawan sa mag-antos ta sa bisan unsang kasakitan; ikinabuhi hinuon nato si Cristo aron mapadako Siya—v. 5; 8:31-39; 2 Cor. 5:14-15; Fil. 1:19-21.